

Եւ այսպէս, մի շարք ուրիշ պետութիւններ եւս :

Յիշե՞լ որ, պատմական նպատակներ դէպքերի հետեւանքով քաղաքական անկախ դոյութիւն ստացած մերձարլտեան երկիրներէից մէկերկուրը եւս տարածութեամբ ու բնակիչներէի թուով շատ հեռու չեն այսօրուան Հայաստանի համեմատութիւնից :

Ալքանիան ե՛ւ մէկ, ե՛ւ միւս կողմից (30 հզ. քառ. քմ. եւ 900 հազար բնակիչ) յար եւ նման է մեր երկրին : Նման՝ նաեւ այն տեսակէտից, որ նրա հողերի եւ ցեղակիցների կէսն եւս այսօր իրենից դուրս են, կցուած դրացի պետութիւններին :

Ինչպէս միացեալ Ալքանիան, այնպէս նաեւ միացեալ Բուլղարիան եւ Յունաստանը տակաւին սպասում են իրենց ապագային :

Յիշե՞լ նաեւ այն, թէ մի շարք պետութիւններ իրենց քաղաքական ինքնուրոյնութեան արշալոյսին բնակիչների թուով, տարածութեամբ եւ ուրիշ պարագաներով շատ եւ աւելի երջանիկ չեն եղել, ոչ էլ դուցէ պակաս անգամներ յուսախաբուութիւններ կրել, քան մենք :

Ի՞նչ պիտի ասուէք այժմ, եթէ 20-30 տարի առաջ յոյներ, ռումաններ եւ սերբեր զրտնրած եւ «աշխարհակալութիւն», «արկածախնդրութիւն» որակած լինէին բոլոր այն հայրենասէրների ձգտումները, որոնք ժամանակին առաջադրել եւ հետապնդել են այսօր արդէն իսկ իրականութիւն դարձած միացումը եւ ամբողջացումը սեփական երկիրների :

Ըստ էութեան տարրեր չէ նաեւ մեր քաղաքական ուղեգիծը, որ ձգտում է դէպի Միացեալ Հայաստան : Ծանր է, հարկաւ, անբախդատելիօրէն ծանր՝ մեր իրականութիւնը, հանդէպ ուրիշների, օրինակ բալկանեան ազգերի : Եւ սակայն ազգային իտէալի էութիւնը եւ նրա արդարացիութիւնը բնաւ չէ փոխուած դրանով : Խօսք կարող է լինել ուրեմն միայն առաջադրուած նպատակին հասնելու միջոցների մասին : Երբ ուրեմն մի անգամ ընդունենք քաղաքական այդ ճշմարտութիւնը, թէ Հայաստանն է, եւ ոչ մի այլ երկրամաս, մեր ազգային (միշտ էլ՝ պետական իմաստով հասկացուած) քաղաքականութեան առարկան, երբ

մեզ հետ միասին ուրիշ հոսանքներ եւս ընդունին, թէ Միացեալ Հայաստանի մէջ միայն կարող է ամբողջացած սեպուիլ դա, այն ժամանակ էլ կարող ենք լրջօրէն վիճել այն մասին թէ՛ ինչպէ՛ս, ի՞նչ միջոցներով եւ եղանակով հետապնդելու է նրա իրականացումը :

Ամենից առաջ եւ կարեւորագոյնը ուրեմն դադափարի յաղթանակի ապահովումն է, յուսով եւ հաւատով նրան կառչելու անհրաժեշտութիւնը : Եւ թուում է, թէ հայ քաղաքական մտքի ժամանակաւոր տեղատուութիւնից յետոյ կարծէք թէ սկսում է, այս մարդի մէջ եւս, մակընթացութեան շրջան : Միացեալ Հայաստանի դադափարը, որ գերազանցօրէն համազգային նշանախօսք է, ըստ երեւոյթին, տակաւ դիրքեր դրաւել է սկսել, Հ. Յ. Դաշնակցութիւնից դուրս, ուրիշ խմբակցութիւնների շարքերում եւս :

Դժուարը առաջին քայլն առնելն է, յաջորդը ինքնիրեն կը հետեւի :

Աւելին դեռ : Մենք տածում ենք այն հաւատը, թէ վաղ կամ ուշ Միացեալ Հայաստանի դադափարը իւրացնեն պիտի անգամ բանիմաց հայ բոլշեւիկները : Ոչինչ, թէ նրանք այսօր վարսախներով հեռու են փախչում դրանից : Չէ՞ որ 15-20 տարի առաջ նրանք ոչ պակաս մոլեգնտութեամբ վանում էին իրենցից «ազգ», «հայրենիք», «անկախութիւն», «Ֆեդերացիա» եւ նման նշանախօսքեր եւս, իսկ այսօր հոլովում են ամէն առթիւ : Ոչինչ, եթէ այդ դադափարները խաթարուած, ազճատուած են բոլշեւիկեան բառարանում :

Բայց չէ՞ որ ժամանակը ամենակարող է եւ ընդունակ՝ սրբազրութիւններ մտցնելու անգամ բոլշեւիկեան խօսքերի եւ գործերի մէջ :

VI

Եւ սակայն, բաւական չէ ասել, թէ մեր ազգային քաղաքականութեան առարկան է Հայաստանը՝ ամբողջացած ու միացած ձեւով : Մեր խօսքը ազգագրական Հայաստանի, հայ հայրենիքի սեփական դաւակներով բնակեցնելու ծրագրի շուրջը չէ միայն : Հարկաւ, դա հիմն է առհասարակ ամէն մի ազգային քաղաքականութեան, նրա այբուբենը, բայց ոչ՝ ամէն ինչ :